

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«_____» _____ 2009 թվականի N___ -Ա

«ՀԱՅԱՍՏԱՆԻ ՊԱՏՄՈՒԹՅԱՆ ԹԱՆԳԱՐԱՆ» ՊԵՏԱԿԱՆ ՈՉ ԱՌԵՎՏՐԱՅԻՆ
ԿԱԶՄԱԿԵՐՊՈՒԹՅԱՆ ԿՈՂՄԻՑ ԱՐՏԱՀԱՆՎԱԾ ԼՈՌԻ-ԲԵՐՂԻ ԽԱՉՔԱՐԻ
ՆԿԱՏՄԱՄԲ ԿԻՐԱՌՎԱԾ «ԺԱՄԱՆԱԿԱՎՈՐ ԱՐՏԱՀԱՆՈՒՄ» ՄԱՔՍԱՅԻՆ
ՌԵԺԻՄԻ ԺԱՄԿԵՏԻ ԵՐԿԱՐԱԶԳՈՒՄԸ ԹՈՒՅԼԱՏՐԵԼՈՒ ՄԱՍԻՆ

Համաձայն ՀՀ մաքսային օրենսգրքի 41-րդ հոդվածի 2-րդ մասի «բ» կետի՝
Հայաստանի Հանրապետության Կառավարությունը **ո ր ո շ ու մ է**.

Թույլատրել «Հայաստանի պատմության թանգարան» պետական ոչ
առևտրային կազմակերպության կողմից 2008 թվականի փետրվարի 16-ին N
02514442 մաքսային հայտարարագրով Նյու Յորք քաղաքի Մետրոպոլիտենի
արվեստի թանգարան արտահանած Լոռի-Բերդի խաչքարի (XII դար, բազալտ,
չափսերը՝ **108*100*20**, գույքահամարը՝ ՀՊԹ Ժ-54, ապահովագրական արժեքը՝
3000000 եվրո) նկատմամբ «Ժամանակավոր արտահանում» մաքսային ռեժիմի
երկարաձգումը մինչև 2014 թվականի փետրվարի 15-ը:

Հիմնավորում

«Հայաստանի պատմության թանգարան» պետական ոչ առևտրային կազմակերպության կողմից արտահանված Լոռի-Բերդի խաչքարի նկատմամբ կիրառված «Ժամանակավոր արտահանում» մաքսային ռեժիմի ժամկետի երկարաձգումը թույլատրելու մասին» Հայաստանի Հանրապետության Կառավարության որոշման նախագծի ընդունման նպատակահարմարության մասին

«Հայաստանի պատմության թանգարան» պետական ոչ առևտրային կազմակերպության կողմից արտահանված Լոռի-Բերդի խաչքարի նկատմամբ կիրառված «Ժամանակավոր արտահանում» մաքսային ռեժիմի ժամկետի երկարաձգումը թույլատրելու մասին» Հայաստանի Հանրապետության Կառավարության որոշման ընդունումը պայմանավորված է հայկական ինքնատիպ մշակութային ժառանգությունը Ամերիկայի Միացյալ Նահանգների Նյու Յորք քաղաքի համաշխարհային ճանաչում ունեցող Մետրոպոլիտենի արվեստի թանգարանում ժամանակավոր ցուցադրության միջոցով միջազգային հանրությանը մեկ տարուց ավելի ժամկետով ներկայացնելու անհրաժեշտությամբ:

Մոտ տասն ամիս է խաչքարը ցուցադրվում է Մետրոպոլիտենի արվեստի թանգարանում և, ըստ «Նյու Յորք Թայմզում», ինչպես նաև այլ պարբերականներում տպագրված հոդվածների, արդեն դառնում է նշանակալից երևույթ Նյու Յորքում:

Աշխարհի բոլոր կողմերից բազմահազար այցելուներ հնարավորություն են ունենում ծանոթանալու ոչ միայն թանգարանի հավաքածուներին, այլև դիտելու հայ մշակութային ժառանգության այնպիսի մի հուշարձան, որը կարող է եական դեր ունենալ հայ մշակույթի հանրահռչակման գործում, ապահովելով հայ մշակույթի անընդմեջ առկայությունը համաշխարհային գանձարանում:

